

La cité de Chaalons depend  
de Rheims, pour le spirituel &  
pour le temporel.

Le país de Chaalons est fort  
fertil & abondant en toutes sor-  
tes de commoditez.

DU PAYS DE PICARDIE,  
*contenu sous l'Archeuesché  
de Rheims.*



A Picardie est l'une des  
plus fertiles Prouinces  
de l'univers, en toutes  
choses, excepté en vin:  
comprenant plusieurs belles,  
grandes, & anciennes citez &  
fortereffes contenuës es limites  
qui ensuiuent: Au leuant elle a le  
país de Flandre, au midi la Châ-  
paigne, au ponent la Mer avec  
vne partie de la Normandie, &  
au Septention la Mer Oceane,  
du

du costé de Calais.

Quelques vns tiennent que la Picardie prend son nom d'un illustre Cheualier, nommé Picgnon, fondateur de Pecquigny, & d'Amyens : lequel apres la mort d'Alexandre le grand, fut esleu pour chef par les soldats, & disent qu'ayant conquesté plusieurs païs, il vint surgir aux ports de Neustrie, à present Normandie : & qu'il passa aux lieux susdicts auxquels il donna nom & apellation.

Ce païs est arrosé des riuieres de Seine, Oyse, Ayne, l'Escau, Scarpe, & autres, qui la separent des Prouinces voisines.

Les places plus renommées de la Picardie sont la Fere, Gandelu, Villiers, Corterets, Beaumont, Creil, Verberi, entre Marne & Aine : Mais entre Aine & Bise sont Lyance Chonils : Puis  
en

entre Oyse & Some sont Verum, Guise, la Capelle, Landreci, Fonsomme, Bohan, S. Quentin, jadis nommé Auguste des Vermádois Nolle, Roye, Mondidier, Clermôt en Beauuoisis, Brecueil Pequigny, Blangis, Abeuille, & S. Valeri outre la Some. Du costé de Septentrion sont Ham, Peronne, Dorlâs, Ruë, Crotoy, Hesdin, ores en ruine, Renti, Monstrueul sur Mer, Estaples, Bouilloigne, cõ prenant soubs soy les villes de Guisnes, Ardres, Harmes, Blarnes, & la forte place de Calais, qui n'estoit jadis qu'un village, mais elle fut fortifiee par le Roy Philipes le Bel.

Il y a plusieurs Eueschez en Picardie, lesquels depédent del'Archeuesché de Rheims.

DE

---



---

DE L'ANCIENNE VILLE  
DE SOISSONS.

LA premiere des citez de la Gaule Belgique dependant de Rheims, est l'ancienne ville de Soissons, qui estoit vn petit Roy-  
 aume deuant que les Romains vinssent en Gaule, lesquels furent chasses de ceste place par le Roy Clouis.

*Soif-  
sons  
indis  
Roy-  
aume*

Les Soissonnois s'ont tousiours louez, pour estre gents vaillants, & remplis de hardiesse.

*Coci-  
le de  
Soif-  
sons.*

A Soissons fut celebré vn Concile ou Synode des Eglises Gallicanes & Angloises sous le Roy Philippes Auguste, à cause que le Roy Anglois auoit chassé les Euesques de leurs sieges, ayant iouy des biens de l'Eglise l'espace de six ans. Ce qui contraignit les pauures Prelats

An

Anglois de se retirer en France: Le susdict Roy Anglois fut denoncé pour excommunié & à lui guerre signifiée comme persecuteur des Eglises: en fin il fut vaincu, & les Flamans qui l'auoint secouru. En ceste guerre se monstrerent fort valeureux les Soissonnois.

L'eglise & Abbaye des Religieuses de nostre Dame de Soissôs fut fondée par Ebrion le Tyran maire du Palais de France.

Le premier Euesque de Soissons fut s. Sixte Romain enuoyé par s. Pierre avec s. Sinicie qui lui succeda. Ces bons Prelats furent martirisez sous Nerou l'an de nostre Seigneur soixante & quatre, ils auoint conuertiy ceux de Rheims à la foy.

Entre les Euesques de Soissons le 50. nommé Arnoul, vescu  
tref-

tres-sainctement & avec grandes austeritez en solitude, & eut le don de Prophetie, à cause de sa sainte vie. Il fut esleu Abbé de S. Medard à Soissons, & finalement consacré Euesque, par le commandement du Pape Gregoire 7.

---

FONDATION DE LA VILLE  
de Laon.

**L**AON n'estoit jadis qu'un chasteau dict *Laudunum*, lequel fut erigé en cité par le Roy Clouis, & fait Euesché, en l'an de nostre Seigneur 500. par S. Remy Archeuesque de Rheims; lequel feit edifier l'Eglise Cathedrale & la dedia en l'honneur de nostre Dame à Laon, donnant sa Duché à l'Euesque en propriété.

Ily

Ily a aussi vne belle Abbaye à Laon dediee au nom de S. Jean: autres fois y auoit des religieuses.

*mira-  
cle de  
Nico-  
le de  
Ver-  
uin.*

Soubs le 72. Euesque de Laon nommé Iean Boursier homme de sainte vie, aduint le prodigieux & insigne miracle d'une femme demoniacle à Veruin, l'an de grace 1565. par lequel à la grande confusion des Huguenots Calvinistes, a esté veu quelle est l'efficace du saint & inflexible Sacrement de l'Autel: par la presence duquel, & par les prieres & exorcismes du susdict Euesque, ce malin esprit fut chassé du corps de ceste miserable possedee, en l'Eglise Cathedrale de Laon.

Le Bailliage de Laon est de grande estendue ayant soubs soy les sieges de Soissons, Noyon, S. Quentin, Ribemont, Concy, Chau-

Chauny, Guise, Peronne, Mondidier & Roye, avec vn Bailly, Lieutenant general & particulier avec les Conseillers, Gref-fiers & autres gens du Roy. |

Enuiron trois lieuës de Laon est la fameuse place de Liance, dicte nostre Dame de Lyesse, le pelerinage ancien de nos Roys: où il se fait plusieurs miracles tous les jours.

*No-  
stre  
Da-  
me de  
Lyess.  
se.*

---

FONDATION DE COM-  
piegne.

**C**ompiegne est dicte enlati *Compendium*, & par d'autres *Carlopolis*, du nom de Charles le Chauue, lequel aggrandit & fortifia ceste place, à la semblance de Constantinople en l'an 896. & y fonda l'Abbaye S. Coraile.

L'an mil quatre cents vingt-neuf,



neuf, la pucelle Ieanne fut prise à Compiègne par les Anglois, faisant sortie sur iceux, & estant repoussée jusques aux portes les trouua closes, se veid trahie & vendüë par les siens mesmes, en recompense des grands biens que la France auoit reçeus par son moyen. Elle fut bruslée à Roüen au lieu où est de present l'Eglise S. Michel, sur la fin du mois de May, l'an 1431. ayant esté prisonnier l'espace d'un an en grande misere. Elle fut iniustement condamnee d'heresie, & sortilege par Messire Pierre Cauchon Euesque de Beauuais, Anglois de nation, & vray ennemy des François, lequel la mit entre les mains du bras seculier pour estre punie. Pour ceste cause icelui Cauchon fut excommunié par le Pape Calixte apres la mort de ladiète pucelle, laquelle

*la pucelle  
Ieanne  
ne trahie à  
Cöpei  
gne.*

*bruslee à  
Roüë*

quelle auoit esté trahye par Guillaume de Flauy Capitaine de Cópiegne, pour lequel forfaict Dieu permist qu'il fut estranglé par la femme nommée Blanche Danurebruch, par l'aide de son barbier: dont elle eut remission du Roy, par apres: ayant descouvert & proué que ledict de Flauy son mary auoit deliberé de la faire noyer.

Le Roy S. Louys feit bastir les Eglises, & Conuents des Iacobins, & des Cordeliers à Compiègne.

---

FONDATION DE LA VILLE  
de S. Quentin, iadis nommée Auguste des Vermandois.

CESTE ville s'appelloit anciennement Auguste des Vermandois, comme qui diroit la capitale de ce païs, ou bien pour

pource que les Romains desirans gratifier leur Empereur Octavian Auguste, lui attribuerent ceste appellation.

Elle porte maintenant le nom de S. Quentin Romain de Nation & fils d'un Senateur nommé Zenon lequel s. y souffrit martire sous l'Empereur Maximin. Le corps d'icelui fut trouué 55. ans apres sa mort par la reuelation d'un Ange: vne bonne dame Religieuse aueugle n'eut si tost releué le corps bien heureux, qu'elle fut soudain illuminée.

*mira-  
cle no  
table*

Ceste ville est située sur la riviere de Some, environnée de marais, & prairies, & servant come de Clef à ce Royaume, durant les guerres faites cõtre le Prince tenant le bas païs. Elle estoit iadis le siege ordinaire des Comtes de Vermandois.

Ge

DE LA FRANCE. 177

Ceste ville fut prise d'assault  
& pillée par les Espaignols, apres  
vne grâde defaictte des François  
qui fut le iour s. Laurens l'ã 1557.  
& deux autres petites villes, Há,  
& Castelet.

---

DE LA VILLE DE NOYON.

**N**OYON est situee sur la ri-  
uiere d'Oyse & est vne des  
plus anciennes citez de Gaule.  
Quelques vns voulans recer-  
cher l'Etymologie disent quel-  
le est presque des le temps de  
Noé, & que d'icelui elle a ceste  
apellation par les fondateurs d'i-  
celle, peu de temps apres le delu-  
ge. Toutesfois elle ne porte le  
nom de Cité que depuis l'an de  
nostre Seigneur quatre cents  
dix, ou environ.

Saint Eloy, natif du pais de  
Ly-

Lymosin, fut le 20. Euesque de  
Noyon lequel mourut l'an 663.

*l'histoire  
de  
d'un  
Symo-  
nia-  
que.*

Vn nommé Fulcher moyne  
de Soyffons, bastard du maistre  
Queux du Roy Loys d'outre mer,  
obtint & paruint à l'Euesché de  
Noyon, par vne meschante &  
sinistre voye, l'espace d'an & de-  
my: durant lequel temps il exer-  
ça toute sorte de desbauche &  
meschanceté, & puis mourut de  
la maladie pediculaire: Car les  
poux ne cessants de sortir en  
abondance de sa peau, il fut coustu  
en vn sac de cuir de cerf, & ainsi  
enterré. Exemple certainement  
digne d'estre considéré par les  
ambitieux & Symoniaques.

L'an de grace mil cent cin-  
quante & deux, vn feu general  
brusla presque toute la ville de  
Noyon excepté les Eglises: ayât  
esté bruslee vne autre fois l'an  
1131. avec la pluspart de l'Eglise

Cate

Cathedrale & de la maison Episcopale.

L'an mil deux cent vingt huit, ceste ville fut aussi toute ruinee par le feu.

Elle fut encor bruslee pour la 4. fois par vn grand & impetueux vent, sous le regne de Guy des prez 63. Euesque de Noyon.

Ceste pauvre ville passa encor par la rigueur & misericorde des flâmes, en l'an mil cinq cets cinquante & deux: durant les guerres d'entre les Rois de France & d'Espagne.

Philippe fils de S. Louys fonda le monastere des Chartreux pres Noyon, au lieu apellé le mont S. Louys.

Le monastere de s. Barthelemi sur le mont des monuments hors la ville de Noyon, fut fondé par vn nommé Baudouin 50.

Euesque de ce lieu, lequel y  
meit des Chanoines de l'ordre  
de s. Augustin.

Renaud 57. Euesque de ce lieu  
fonda l'hospital de s. Iean, qui  
fut doté de rentes & reuenus par  
Iean de s. Eloy, & Adde son es-  
pouse, l'an mil cent soixante &  
dixhuiët.

---

DES VILLES DE GUISE,  
*Peronne, Corbie, & autres.*

**A**V païs de Picardie vers le  
païs Luxembourg est la vil-  
le & forteresse de Guise, ancien  
patrimoine despuisnez de la mai-  
son de Lorraine.

Après est Peronne situé sur la  
riuiere de Some, place forte: en  
laquelle Herbert Comte de Ver-  
mandois, feit mettre prisonnier  
le Roy Charles le simple, la où il

il mourut, laissant son Royaume,  
plein de troubles.

Corbie, Roye, Mondidier &  
Nelle sont villes Modernes. De  
ceste derniere s'ont sortis plusieurs  
illustres Seigneurs, iadis alliez à  
la maison de Courtenay sortie  
d'un puisné de France.

---

DV PAYS BEAVVOISIN ET  
*de la fondation de la ville de  
Beauvais.*

**L**E païs voisin des Ver-  
mandois est celui des  
Beauuoisins, qui sont  
proprement les Belges,  
desquels la cité se nōmoit iadis  
Belgie, ores Beauvais fondee par  
le 14. Roy de Gaule dict *Belgius*,  
fils ne Lugdus fondateur de Lyô;  
long temps deuant que Troye  
fust en estre.